

妙明即其地也

許大史真君圖傳卷上

二十五

許大史真君圖傳卷下




圖十

真君與甘施二君歸郡周覽城邑適有一少年
 美風度衣冠甚偉通謁自稱姓慎禮貌勤
 恪應對捷給遽告去真君顧謂羣弟子曰適
 者非人乃老蛟之精故來見試其人體貌雖
 是而腥風襲人吾故愚之庶盡得其醜類耳




真君知年少乃老蛟之精蹟其所之乃在江
 澣化為黃牛臥於沙蹟之上真君乃剪紙化
 一黑牛往鬪之





真君令弟子蹟蛟精所之乃在郡城江澣化為黃牛臥于沙蹟之上即今之黃牛洲真君乃剪紙化黑牛去後又令施本潛持劍往伺其鬪酣即揮之果中其左股牛奔入城南井中井今在上藍寺東南角故世號蛟井



真君遣符吏追蛟精至長沙賈誼井中出化為人入賈玉家先是玉妻以女居數歲生子每春夏出舟秋重載歸是時忽徒還給玉云彼劫傷股玉召醫真君為醫士謁玉召之不出乃上堂叱曰江湖蛟精害物非一吾尋蹤至此豈容逃避速出乃見形遂揮兵誅之喫二子為小蛟并誅之賈女幾變父母告遂免




真君謂賈玉曰蛟精所居其下即水今君舍下深不踰尺皆洪波也可速徙居毋自陷溺玉舉家駭惶移居高原其地不日陷為淵潭深不可測今長沙昭潭是也







真君復還豫章而蛟精之餘黨甚感慮真言必誅之心不自安乃化而為人散游城中因訪真君弟子詭言曰僕家長安積世崇善遠聞賢師許君有神劍願聞其功弟子曰吾師神劍指天裂指地地圻指星辰則失度指江河則逆流萬邪莫可當神聖之寶也又問抑有不能傷者乎曰惟不能傷冬瓜葫蘆耳




蛟精以前言為誠然乃盡化其屬為冬瓜葫蘆聯延枝蔓浮泛滿江擬流出境真君晨興覺妖氛甚盛乃顧江中見蛟精所化即以劍授施岑使復水斬之黨屬如連悉無噍類江流為之變色




真君告弟子及郡城之父老曰此地為浮州蛟螭所穴不有以鎮之後且復出為患人莫之能制也乃役鬼神於牙城南井鑄鐵柱為永久鎮浮之計




真君鑄鐵柱既成聽其出井外數尺下施八
索鈎鎖地脉真君祝之曰鐵柱若亞其妖再
興吾當復出鐵柱若正其妖永除由是水妖
屏蹟城邑無虞復恐後世姦雄妄作故因鐵
柱再垂記云地勝人心善應不出姦離縱有
興謀者終須不到頭其慮後世也深大率有
如此者



真君以蛟蜃之屬有散入鄱陽潯陽界者慮
其復還乃周行江湖以殄滅之至若堯山頂
有蛟湖三所孔穴透大江通饒信遂誅其蛟
魃立玉陽府開化靖太城府靖以鎮之鑄鐵
符鎮鄱陽湖口杜其入路今在湖口縣上鍾
石江中鑄鐵蓋覆廬陵玄潭制其穢數仍壓
以鐵符鎮以靈劔今有飛符嶺崇真觀





將軍王敦舉兵內向次子湖真君與吳君及
郭璞同往謁之敦宴曰子夢一木破天如何
真君曰非佳兆也吳君曰木上破天未字也
令璞筮之曰無成敦曰子壽幾何璞曰若舉
事禍將不久若還武昌壽未可量敦怒曰君
壽幾何璞曰盡今日日中即今武士搗璞以
斬之真君擲杯化鶴繞梁敦舉目失二君所
在



真君與吳君游至金陵欲賃舟復回豫章而船主告以乏操舟者真君曰爾等但瞑目安坐切毋規規吾自為爾駕之舟人諾

真君召二龍挾舟而行經池陽以印印西岸之崖壁辟水惟而行今印文猶在



許吳二君同乘龍舟凌空俄過廬山頂至于紫霄峯金闕洞真君與吳君欲游洞中故其舟稍低林林稍憂憂有聲舟人不能忍而竊窺之龍即捨舟於層岫之上折桅於深澗之下真君謂舟人曰汝不聽吾言將何所歸乎舟人乃拜求濟度真君教以服餌靈草遂不死之術終隱於此山今有鐵船峯并桅為石隨在澗中




真君歸舊隱數十年間不以時事關意日與羣弟子講究真詮精修至道作醉思仙歌又著八寶訓曰忠孝廉慎寬裕忍忠則不欺孝則不悖廉而固貪慎乃無失寬則得衆裕然有餘容而翁受忍則安舒鄉里化之皆遷善遠罪孝悌興行平時出處隨機應物不異常人但所居之地鳴鶴翔飛景雲旋繞而已





○寧康二年甲戌真君一百三十六歲八月朔有雲仗自天二仙乘輦下降導從甚都真君向空迎拜二仙曰奉玉皇命賜子詔授九州都仙太史兼高明大使賜紫綵羽袍玉膏金丹各一合真君禮拜聽受訖一仙曰余乃玉真上公崔子文一仙曰余乃元真太卿瑕立仲就告真君冲舉之日復登雲車而去



○真君召集門弟子與鄉曲耆老論以升舉之期大會于真君之庭日設宴飲共叙惜別且教以行善立功以致神仙之旨著靈劍子等書又與十一弟子各為五言二韻勸誡詩十首以遺世及以大功如意丹方傳家弟子之不與上升者勸誡詩即今之一百二十靈籤也如意丹方亦行于世每歲尚有黃中齋會云



○八月十五日大營齋會徧召里人長少畢集至日中祥雲彌望音樂騰空羽蓋龍車從官兵衛仙童綵女導從崔瑕二詔使復降宣玉皇詔命云已仰潛山司命官傳金丹於下界閉債封形迴子身及家口廚宅百好歸三天子急淨穢背土凌空左大力天丁與流金火鈴照辟中黃無或散慢真君俯拜欽受







真君導詔使玉真上公之言以門弟子雖衆惟六人合從行餘各自有超舉之日不得偕行乃升龍車命陳勳時荷持冊前導周廣會亨駿御黃仁覽與其父族侍從盱烈與母部從仙眷四十二口拔宅同時升舉雞犬亦隨逐飛騰里人攀戀投地悲號不忍別去真君乃留下修行鐘并石函聊為異時之記也




真君有役夫許大聞將上升苦求隨行真君以詔使告人數有定命不徇所請預期聽其與妻運米出西嶺及聞升舉乃惶惶奔歸推覆米車暨至撫膺望號真君乃授以地仙之術夫婦借隱于西山其米覆地復生既隱不欲人識改姓午復姓午見廟食于生米市翻車岡時人或遇見之者蓋出沒不常焉



真君仙仗凌空有頃墜下藥臼車數各一又墜一雞籠于宅之東南十餘里并鼠數枚墜地已拖腸而不死意其曾竊食仙丹也後人或見之者必為瑞應焉升天後絳霞祥雲彌漫山谷百里之內異香經月不散初真君自旌陽回奉蜀錦為質信於謔姆姆製為殿惟至是忽飛來游繞於故宅之上竟日復入






真君初與郭璞尋真選勝經宜春樓梧山王長史之子朔迎欵敬至真君授以仙術且云此地前對洞天俯臨東水宜為道院朔從之遂書靖宇于壁而退及飛升時雲輿過其上遣二青衣告別朔舉家析度真君曰子輩仙骨未充乃飛仙茅一根俾植之久服可長生後王族各百齡今臨江玉虛觀有仙茅存焉



玄都御史神烈吳仙真君名猛字世雲濮陽人性至孝以道法行于吳晉間嘗以羽扇蓋豫章江水而渡晉寧康二年十月望奉天詔與弟子四人同時飛升



潛惠彭仙真君名抗字武陽仕晉為尚書左丞師事真君成道宋高祖永初二年八月二十四日奉天詔舉家二十六口上升今龍興宗華觀是其故址也



洪施時仙真君名荷字道陽東海沐陽縣奉仙觀黃冠上士依樓師事真君成道能使鬼神驅剪邪魅及真君冲升日命與陳敷執冊前導從龍車上升矣



元通周仙真君名廣字惠常廬陵人師事真君遵行道法夙夜惟勤就宅西百餘步築室以居今號宣詔福地太虛觀真君冲舉日駢龍車上升



精行甘仙真君名戰字伯武豐城人師事
真君除害利物陳大建元年正月七日奉
天詔駕
麟車冲升今富州清都觀乃藏丹之故宅號
飛黃觀




勇悟施仙真君名舉字太玉九江人勇健絕
倫師事
真君成道晉寧康二年十月二十八日奉
天詔冲升西嶺至德觀即其眺望水蛟之臺
是也



神惠曾仙真君名字興國泗水人博學多
能師事
真君授以要道靈符神方秘訣無不備悉後
驂龍車同時升舉即今富州真陽觀是其道
蹟也



正特陳仙真君名勳字孝舉蜀川人博學洽
聞昔
真君任旌陽日付以吏職後引為門弟子託
以腹心典經籍守丹鑪
真君冲舉日命與時荷執冊前導焉



和靖旴仙真君名烈字道微少孤事母孝母
乃真君孟姊也
真君以孀居築室于宅西居之母子得道並
受詔命部從
真君仙眷四十二口上升



冲道黃仙真君名仁覽字紫庭高安人任青
州從事單騎之官
真君以子妻之父輔字萬石舉孝廉任御史
同師事
真君得道舉家三十二口從真君龍車升天



普惠鍾離仙真君名嘉字公陽

真君仲姊之子少喪父母

真君授以至道晉寧康二年十月十五日奉天詔冲升今新建縣象牙山丹陵觀是其故址也



洞真胡天師名惠超字拔俗不知何許人也居豫章西山洪井

真君授以延生鍊化超三元九紀之道唐長安三年二月望冲升今龍興玄妙觀是其伐樟樹精去處也

許太史真君圖傳卷下

洞玄靈寶五嶽古本真形圖并序 國士

東方朔

五嶽真形者山水之象也盤曲迴轉陵阜形勢高下參差長短卷舒波流似於奮筆鋒鋌暢乎頽嶠雲林玄黃有如書字之狀是以天真道君下觀規矩擬縱趨向因如字之韻而隨形而名山焉 子有東嶽形令人神安命延存身長久入山履川百芝自聚 子有南嶽形五嶽不加辟除火光謀惡我者返還自傷 子有中嶽形所向惟利致財巨億願願尅合不勞身力 子有西嶽形消辟五兵入刃不傷山川名神尊奉司迎 子有北嶽形入水却灾百毒滅伏役使蛟龍長享福祿 子盡有五嶽形橫天縱地彌淪四方見我歡悅人神攸同 昔黃帝徵師諸侯與蚩尤戰於涿鹿之野遂擒之諸侯咸宗軒轅為天子代神農氏是為黃帝天下有不順者從而征之破山通道未嘗寧居東至于海登泰山及岱宗西至崆峒登雞頭南至于江登熊湘北逐蟬粥金符益山而邑于涿鹿之阿遷徙往

來無有常處察四嶽並有佐命之山而南嶽獨孤峙無輔乃章祠三天太上道君命霍山潛山為儲君奏可帝乃自造山躬寫形像連五圖之後拜青城為文人署廬山為使者形皆以次相續此適始於黃帝耳

東嶽泰山君領羣神五千九百人主治死生百鬼之主帥也血食廟祀宗伯者也俗世所奉鬼祠邪精之神而死者皆歸泰山受罪考焉諸得佩五嶽形入經山林及詣泰山君及諸山百川神皆出境拜迎子也泰山君服青袍戴蒼碧七稱之冠佩通陽大明之印乘青龍從羣官來迎子

南嶽衡山君領仙官七萬七百人諸入南嶽所部山川神皆出迎南嶽君服朱光之袍九丹日精之冠佩夜光天真之印乘赤龍從羣官來迎子

中嶽嵩高君領仙官五女三萬人入山諸是中嶽所部名靈皆來迎子中嶽君服黃素之袍戴黃玉太己之冠佩神宗陽和之印乘黃龍從羣官而來迎子也中嶽是五土之主子